

OS XERIATRAS PÍDENLLE Á XUNTA QUE FAGA UN ESTUDO SOBRE A SITUACIÓN DA DOENZA EN GALICIA, ONDE AFECTA A 50.000 PERSOAS

O 50% dos pacientes galegos con demencia quedan sen diagnóstico

As familias reclaman máis atención para os anciáns que viven sós no rural e que padecen doenzas dexenerativas

N. A. / AXENCIAS

GALICIA
actualidade@xornaldeg Galicia.com

A Sociedade Galega de Xerontoloxía e Xeriatria pediu onte á Consellería de Sanidade que realice un estudo epidemiolóxico en Galicia sobre a poboación envellecida que padece algún tipo de demencia, sobre todo alzheimer. Segundo o presidente desa entidade, Andrés Vázquez, estímase que máis de 50.000 persoas padecen esa enfermidade na comunidade autónoma, na que non se diagnostican o 50% dos casos, unha cifra que se eleva ao 70% nas primeiras fases da doenza.

Vázquez deu a coñecer onte estes datos nunha rolda de prensa na que anunciou o galardón que se dará á sociedade que preside a Federación de asociacións galegas de familiares de enfermos de alzheimer e outras demencias (Fagal) polo seu "constante esforzo" en axudar ás persoas afectadas por este mal.

O médico tamén advertiu de que actualmente en Galicia hai case 800.000 persoas maiores de 60 anos, o 28% da poboación total galega. Este problema afecta espe-



Un ancián camiña pola rúa

AMADOR LORENZO

cialmente á provincia de Ourense, onde o índice de avellentamento é superior ao de Xapón, un dos "maiores do mundo", explicou.

Por outra parte, destacou que un 30% dos maiores de 80 anos reside en núcleos rurais dispersos e de menos de 500 habitantes, o que fai que Galicia se atope entre as autonomía de maior illamento de Europa. "Esta realidade ten consecuencias dramáticas e de coidados máis di-

"Necesítanse máis centros de día e plans de teleasistencia", di o presidente de Fagal

fíciles e enmascarados", afirmou. A este respecto, o presidente de Fagal, Juan Carlos Rodríguez, destacou que "moitas destas persoas viven soas e moitas veces morren porque se perden ou porque se queiman e non teñen quen os axude, é un escándalo social, que se ocorrese noutro rango de idade chamaríase moito a atención". O experto insistiu na importancia de mellorar a formación das familias e dos coidadores profesionais

COSTE SOCIAL

O presidente da Sociedade Galega de Xerontoloxía e Xeriatria, Andrés Vázquez, subliñou onte que, pese a que unhas 50.000 persoas están afectadas pola demencia, a afectación social e familiar da enfermidade é moito máis ampla. Implica a uns 200.000 individuos. Tamén incidiu en que nestes casos é "moi importante" un diagnóstico "precoz" para evitar a "morbimortalidade e efectos socio-vivenciais", xa que a maior parte desas doenzas son mixtas e xeneran patoloxías dexenerativas e vasculares. Deste xeito, solicitou tamén o desenvolvemento da Rede Galega de Centros de día Terapéuticos especializados, e un mellor desenvolvemento da Lei de Dependencia na autonomía.

á hora de asistir a estes pacientes e reclamou máis servizos profesionalizados como "programas de respiro, de teleasistencia, centros de día ou localizadores". Sobre estes últimos dixo que eran fundamentais e que, en Galicia, case non se empregaban.

Rodríguez afirmou que hai que aproveitar a Lei de Dependencia para cambiar o modelo productivo e apostar pola asistencia social.

A Xunta apoia con 357.000 euros un proxecto de axuda a indixentes

REDACCIÓN

GALICIA
actualidade@xornaldeg Galicia.com

O Consello da Xunta aprobou onte o convenio de colaboración entre a Consellería de Traballo e a Cruz Vermella segundo o cal o Goberno autonómico investirá 357.000 euros na atención e apoio integral ás persoas sen teito e traballará para promover a súa inserción. Segundo explicou a Xunta, as accións deste plan consisten basicamente en detectar patoloxías mentais, alcoholismo e outras adiccións sufridas polos be-

neficiarios, informar e derivar aos usuarios cara aos servizos permanentes e proporcionarlles asesoramento social e legal.

No marco deste convenio, amparado polo II Plan Galego de Inclusión Social, Cruz Vermella desenvolverá un programa de acompañamento e apoio que consistirá no establecemento de liñas de derivación e integración na sociedade a través dos servizos sociais existentes e dos equipos de intervención creados para desenvolver estas accións.


En concreto, as actuacións centraranse na valoración destas per-

soas e en ofrecerlles información, orientación e asesoramento, así como en axudarlles a xestionar os seus documentos, en intervencións na rúa, accións formativas, acompañamento social e accións de tipo sociosanitario.

Por outra banda, o Consello da Xunta financiará con 200.000 euros un convenio coa Asociación Galega de Atención Temperá para axudar a nenos con discapacidade. ■

www.xornal.com

Opina sobre este colectivo na web de xornal de Galicia.



Un home durme nun caixeiro

SONIA DAPONTE